



Malik Bertelsen
Inatsisartunut ilaasortaq
c/o Inatsisartut Allattoqarfiat

Asasara Malik Bertelsen,

11 . juni 2010

Sagsnr. 2010-032152

Dok. Nr. 391155

Inatsisartut suleriaasianni § 36, imm. 1 naapertorlugu Nunatsinni nammineerluta tunissiariisinnaasagut inatsisitigut illorsorneqarsinnaanerat inatsisitigullu mattussigallarsinnaaneq pillugit marlunnik apeqquteqarputit. Taakku akissuteqarfiginerini illersuiniarlu-ni suliniutitut taaneqarput.

Postboks 1340
3900 Nuuk
Tlf. (+299) 34 50 00
Fax (+299) 32 93 98
E-mail: nap@nanoq.gl
www.nanoq.gl

Apeqqutinnut marlunnut naatsumik akissutit tassaapput:

1. Illersuiniarluni suliniutit tamatta atorsinnaavagut.
2. Allat taamaaqataanik uagutsinnut iliuuseqariaannaapput.

Illersuiniarluni suliniutini nalinginnaanerpaat tassaapput akitsuutit aamma nioqqutissanik eqqussuinermi akitsuutit, nioqqutissat eqqussorneqartut killilorsorneqarneri imaluunniit nioqqutissanik eqqussuinissamut inerteqquteqarneq aamma tunisassiornermut tapersisarneq, tunisassior tup meeqqanik sulisoqannginnissaanik piumasaqarneq, avatangiisit illorsorneqarnissaannut inatsisit ilaalu ilanngullugit.

Taakku ilai nunarsuarmioqatigiinnit akuerineqarsimapput, allalli naleqqutinngitsutut nali-lerneqarlutik. Soqtigisaraarput akitsorsaatitaqannngitsumik akitsuutitigullu aporfegann-gitsumik avatisinniittut nioqqutissiatsinnik tiguserusunnerat. WTO'p malittarisassaanik akerliunngitsunik amerlavallaanik suliniuteqannginnikkut taamatut soqtiginninneq pitsaanerpaamik piorsarsinnaavarput. Uagutsinnut sammisumik WTO'mi suliakkiisinnaneq aamma isumalluutitigut ilungersornarluiinnassaaq.

WTO'mi malittarisassani piumasarineqarpoq pissutsit inatsisinut naapertuitinngitsut perneqassasut. Tamanna naammassisinnaanngikaanni illuatungerisap akitsuuteqartitsi-nissamik eqqarsaateqarsinnaanera akuerineqartarpoq. Tamanna nioqqutissianut allanut atorneqarsinnaavoq, assersuutigalugu aalisakkerivissuit ajornartorsiortilersinnaallugit.

Kingullermik naalakkersuisut isummernissaannut tunngavissiami, 7. december 2005-imeersumi, taamanikkut Naalakkersuusut nunatsinni inatsisit WTO'mi malittarisassanut naapertuutilersinnejarnissaat pillugu 1995-imi aalajangiussartik aalajangiussimaannar-paat.

Tulliuttumi WTO-mi malittarisassat iluini periarfissagut nalinginnaanerpaat ilai, kiisalu su-tigut pillaateqartoqarsinnaanera itisileriffigissavakka.

Akitsuutit aamma nioqqutissanik eqqussuinermi akitsuutit

Maani nunatsinni nioqqutissanik eqqussuinermi akitsuutit allattorsimaffiannik killeqartumik peqarpugut, taannalu Akileraartarnermut Aqutsisoqarfimmi immikkoortunut akitsuuti-

nut allanngortinniarlugu sulissutigineqarpoq, WTO'mut akerliunngitsoq. Tassani pineqarput Kalaallit Nunaanni tunisassiarineqannngitsunik imigassanut kimittuunut tupanullu il.il. akitsuutit. Taamaattorli aamma savaaqgap neqaanik eqqussuinermi akitsuuteqarpugut, taakkku nammineq nioqqutissiarigatsigit, nunatsinnilu savaatilinnut illersuisuulluni.

Kalaallit Nunaanni tunisassiarineqartunik nioqqutissianik arlalinnik akitsuuteqartitsinikkut nunatsinni suliffeqarfiiit killeqartumik illersorneqarsinnaapput. Akitsuutili EU'p akitsuutit pillugit WTO'mik isumaqatigiissutaani killiliussat iluaniittariaqarput, taakkulu maannakkut Kalaallit Nunaannut atuullutik.

Iluamilli pisoqarnissaq pissutigalugu oqaatigissavara suliffeqarfinnik illersuineq Nunatsinni atuisartut akiliinerisigut ingerlanneqarmat, tassa tunisassiat eqqussorneqartut namminerlu tunisassiat akimikkut qaffannissaat naatsorsuutigineqarmat.

Suliffissuaqarnermut tapiissuteqartarnerit

WTO'mi malittarisassat naapertorlugit suliffeqarfinnut tapersiisarneq unioqqutitsinervooq, tamanna nunani tamalaani niuerermik taamaallaat equngatitsilernissamik siunertaqarat. Matumani pineqarpoq tapersiineq nioqqutissat avammut nioqqutigineqartut aalajangersimasumik annertussuseqarnissaannik piumasaqaateqarneq, imaluunniit suliffeqarfiiup nioqqutissat eqqussorneqartut pinnagit nunatsinneersut atussanerai.

Nunat allat suliffeqarfiiinut takutinnejqarsinnaasumik ajortumik sunniuteqanngippat suliffeqarfinnut tapersiisarneq akuerisaavoq.

WTO'mi malittarisassat eqqortinneqassappata imermik eqqussuinerup nakernanngin-nerulernissaanik immikkut siunertaqartumik tapersiisalernissaaq ajornarpoq, illit assersuutigisattut.

Nunalerinermi tapiissutit

Nunalerinermit tunisassiat pillugit WTO immikkut malittarisassaqarpoq (tassunga ilangullugit ammit aamma imarmiut miluumasut, kisianni aalisagaanngitsut aamma aalisakkanit tunisassiaanngitsut).

Nunatsinni nunalerinermit tunisassianut pingaarnertut ilaapput Kujataani savaateqarfiiit, nunami piniarneq aamma imarmiunik miluumasunik piniarneq.

Tapersiisarnerit niuerermik equngalersitsisut aallaaviatigut inatsisinut naapertuutinngillat, taamaattorli tunisassiat nalingisa 5 %-iannik killeqartitsisoqarluni. Taakkununnga assersuutaasoq tassaavoq puisit amiinik tunisinermi tapiissutit aamma savaatilinnut tapiissutit tunisassiarineqartut annertussusii naapertorlugit naatsorsorneqartartut.

Akerianilli niuerermik equngalersitsinngitsunik tapersiisarnerit killersorneqanngillat, assersuutigalugu avatangiisnik illersuinialruli tapersiisarneq, nunap immikkoortuinik ineriartortsinermut tapersiisarneq imaluunniit tunisassiornerup annertussusia apeqqutaatinagu nunaatilinnut toqqaannartumik isertitatigut nuussisarnerit.

Neriuppunga siulianiittutigut Naalakkersuisut sinnerlugit apeqqutit akissuteqarfingisimallugit.

Ikinngutinnersumik inuullluaqqusillunga

Kuupik Kleist
Naalakkersuisut Siulittaasuat